

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 25 » փետրվարի 2021թ.

N 2/18

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևան քաղաքի Դավթաշեն վարչական շրջանի ղեկավարի աշխատակազմի աշխատակից Ա. Գրիգորյանի կողմից 14.01.2021 թվականին հայտնաբերվել է «Գովազդի մասին» օրենքի (հետայսու՝ Օրենք) 26-րդ հոդվածի 1.1 կետով նախատեսված իրավախախտում, մասնավորապես՝ «Գարած-92» սահմանափակ պատասխանատվությամբ ընկերության կողմից Երևան քաղաքի Դավթաշեն 4-րդ թաղամասի հ. 41/14 հասցեում առանց արտաքին գովազդ տեղադրելու թույլտվության տեղադրվել է այլ արտաքին գովազդ՝ «GARAGE-92, անվահեծեր, արգելակման կոճղակներ, անվաղողեր, մարտկոցներ, ավտոյուղեր, ֆիլտրեր» բովանդակությամբ, որի վերաբերյալ 19.01.2021 թվականին կազմվել է վարչական իրավախախտման վերաբերյալ թիվ 001262 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Գարած-92» սահմանափակ պատասխանատվությամբ ընկերության (գրանցման համար՝ 271.110.1130565, ՀՎՀՀ՝ 00221986) տնօրեն Արմեն Եղիայի Աղամյանը ծանուցված լինելով 25.02.2021 թվականին կայանալիք գործի քննության տեղի և ժամանակի մասին ընկերության տնօրենը կամ լիազոր ներկայացուցիչը չներկայացան, ուստի Վարչական իրավախախտումների վերաբերյալ օրենսգրքի (հետայսու՝ Օրենսգրք) 267-րդ հոդվածի 1-ին մասի համաձայն գործը քննվեց վերջինիներս բացակայությամբ:

Գործի քննության ընթացքում որպես մեկ համակցություն, հետազոտվեցին արձանագրությունը, Երևան քաղաքի Դավթաշեն վարչական շրջանի ղեկավարի աշխատակազմի աշխատակցի 19.01.2021 թվականի բացատրագիրը, Երևան քաղաքի Դավթաշեն վարչական շրջանի ղեկավարի 14.01.2021 թվականի հ. 29/09-14, 22.02.2021 թվականի հ. 29/01-19422 գրությունները, ընկերության պետական գրանցման վերաբերյալ քաղվածքը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ գովազդակիր «Գարած-92» սահմանափակ պատասխանատվությամբ ընկերության կողմից առանց արտաքին գովազդ տեղադրելու թույլտվության տեղադրվել է «GARAGE-92, անվահեծեր, արգելակման կոճղակներ», «GARAGE-92, անվաղողեր, մարտկոցներ, ավտոյուղեր», «Գարած-92, ֆիլտրեր» բովանդակությամբ արտաքին գովազդներ, որով նաև իր նախաձեռնության մասին տեղեկություն է տարածում անորոշ թվով անձանց շրջանում, ձևավորելով հետաքրքրություն իր նախաձեռնության նկատմամբ:

«Գարած-92» սահմանափակ պատասխանատվությամբ ընկերության կողմից թույլ է տրվել Օրենքի 26-րդ հոդվածով նախատեսված վարչական իրավախախտում:

Հաշվի առնելով, որ «Գարած-92» սահմանափակ պատասխանատվությամբ ընկերության տնօրենը կամ լիազոր ներկայացուցիչը չեն ներկայացել գործի քննությանը, որի շրջանակներում հնարավորություն ունեին ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, ինչպես նաև հետազոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենքի 26-րդ հոդվածի 1.1-ին կետի համաձայն՝ Երևանի քաղաքապետն իրավասու է, Հայաստանի Հանրապետության գործող օրենսդրության համաձայն, տուգանք կիրառելու Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի 2.1-ին կետի համաձայն՝ Գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 252-րդ, 281-րդ և 282-րդ հոդվածներով, Օրենքի 26-րդ հոդվածով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. «Գարաժ-92» սահմանափակ պատասխանատվությամբ ընկերությանն Օրենքի 26-րդ հոդվածի 2.1-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900055314422 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՑԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՐԱՄ ԱՐՈՎՅԱՆ